



Gure Arrantza Politika Iraunkorra



(2018ko iraila)

Arrantza eta kontsumo arduratsu eta iraunkorraren alde

EROSKIn indar egiten ari gara elikadura osasungarria ez ezik arduratsua eta iraunkorra bultzatzearen alde. Gure jardueran funtsezkoa da bioaniztasuna babestea, baliabideak modu iraunkorrean erabiltzea, ingurumenean uzten den arrastoa gutxitzea, klima aldaketari aurrea hartzea eta ekonomia zirkularra sustatzea. Batez ere elikagaiak saltzen dituen operadore bat izanik, kontsumitzaile askoren hornitzaile nagusiak gara, eta gure nahia da osasunez eta ongizatez gizarte hobe baten alde egitea, eta aldi berean iraunkorragoa izatea.

Helburu horiek iristeko, arrain produktuei dagokienez, **ARRANTZA POLITIKA IRAUNKOR BAT** hartua dugu. Politika horretan datoz jasota zein printzipiotan oinarritzen garen arrain produktuak saltzeko, eta kalitatezko arrain sail bat saltzearen aldeko konpromisoa hartu dugula; horretarako, batetik, produktuaren eta zerbitzuaren segurtasuna bermatzen dugu, eta, bestetik, itsasoen eta bertako espezieen iraunkortasuna. Hona hemen gure hamabi printzipioak:

1. **Gure eskaintza komertzialaren iraunkortasuna**; horrek eskatzen du arrantza baliabideak nola dauden etengabe berrikusten eta eguneratzen aritzea.
2. **Kontrol metodo batzuk** darabiltzagu gure dendetara legez kanpoko arrainik iristen ez dela ziurtatzeko.
3. **Tamaina txikia dutenak errespetatzea** eta araudian ezarrita dagoen gutxieneko tamainaren langa gorago ezartzearen alde egitea.
4. **Arrantzatzeko era iraunkorrek sustatzea**, hala nola arrain handia amuz arrantzatzea eta inguraketa erabiltzea arrain txikiarentzat. Zehazki, hegaluze freskoari eta marka propioko kontserbei dagokienez, amuz arrantzatutako hegaluzearekin bakarrik hornitzea.
5. **Produktu iraunkorren eta ziurtagiridunen alde egitea**, hala nola MSC (Marine Stewardship Council) erauzte arrantzarako eta GOBALG.A.P akuikulturarako.
6. **Dendetatik hurbilen dauden kofradien eta hornitzaileen alde egitea**, ingurumen eragina gutxitzeko eta ingurunearen garapen ekonomiko eta sozialari laguntzeko.
7. **Ingurumen eragina gutxitzea** arrantza kate osoan, nola eta logistika efizientea erabilita, hotz katea hobetuta, ontzien eta bilkarien ekonomia zirkularra martxan

jarrita eta hondakinei eta azpiproduktuei balioa emanda, eta, gainera, elikagairik alferrik ez galtzeko konpromisoa hartuta.

- 8. Arrantzaren arloko langileen funtsezko eskubideak betetzen eta errespetatzen dituzten hornitzaileak izatea** eta, horretarako, OITk arrantzako lanari buruz duen 188 Hitzarmena betetzea, eta guk Gizarte Erantzukizunari buruz dugun SA8000 neurria orobat betetzea.
- 9. Etiketa eta kontsumitzaileen komunikazioa gardenak izatea;** arrantza moduen eta arrantzalekuen gaineko informazioa ematea arrain produktu guztietan.
- 10. Arrantza sektore osoari entzutea,** eta inplikaturik dauden sektore guztiekin kolaboratzea.
- 11. Kontsumitzaileak informatzea eta formatzea** arrantza iraunkorraren arloan; horrela, hura sentibilizatu eta ahaldunduko dugu jokaera arduratsuagoa izan dezan.
- 12. Gobernu sistema bat eramatea, kontrol neurri efizienteekin eta ikuskaritzekin;** horrela, sendotu egingo da EROSKI duen Arrantza Iraunkorraren aldeko Politika. Horretarako, hor du EROSKI Aholkularitza Kontseilu bat, honako erakunde hauek osatua: AZTIren Itsas Ikerkuntza Unitatea, ISSF, OPAGAC eta ANABAC.

Arrain produktuen iraunkortasunaren aldeko ahalegina handitu dugu, eta pauso garrantzitsuak ematen ari gara bide horretan. 2010. urtean, EROSKI izan zen Espainiako lehen banatzailea, bat egin zuena [WWF](#) erakundeak sustatutako arrantza eredu iraunkorrarekin; ekimen horren helburua zera da, gure saltokietako arraina eta itsaskia jarduera iraunkorren bidez arrantzatua izatea ingurumena errespetatuz. Lankidetzaz hori indarrean da oraindik, WWFk aholkularitza ematen baitigu, zenbait puntu garrantzitsutan; sektorean dauden joerak ere erakusten dizkigu, arrain produktuen gainean daramagun iraunkortasun politika eguneratua egon dadin.



Aurrendariak gure arrandegietan ziurtagiria erabiltzen – MSC eta GLOBALG.A.P.

2017ko martxoan, Espainian txikizkako lehen banaketa katea izan ginen, [MSC Marine Stewardship Council](#) erakundearen ikuskaritza gainditu genuena; horri esker, ziurtatu ahal dugu gure zaintza kateko arrain freskoa arrantzaleku iraunkorretatik datorrela. Ziurtagiri horrekin, jauzi handi bat eman dugu Arrantza Iraunkorraren Politikan, konpromisoa hartua dugu-eta itsasoko ekosistema errespetatzen duten lekuetatik datorren arrain freskoa saltzeko.

Gure arrandegietako ziurtagiria pixkanaka lortua da. 2017an, arrain freskoa duten 348 arrandegitan eta sei arrantza plataforma logistikotan ipini genuen, eta, horretaz gain, formakuntza eman genien 2.160 pertsonari arrandegi horietan jarduteko. Gure helburua da zaintza kateko MSC ziurtagiri hori 700 arrandegitara hedatzea 2020an.




Hasieran hiru arrain mota saltzen hasi ginen arrantza iraunkorreko MSC zigilu urdinarekin: Skrei bakailaoa, Kantauriko antxoa eta hegaluzea; eta, pixkanaka, espezie berriak sartzen goaz, hala nola abakandoa, bakailao gezatua eta surimia.

MSC ziurtagiriak arrantzalekua bezala ikuskatzen ditu arraina manipulatzeko prozesuan parte hartzen duten enpresak ere, eta, hortaz, bermatu egiten du egokiak direla trazabilitatea eta zaintza kate guztiko jarduerak. MSCk zenbait faktore hartzen ditu kontuan arrantzaleku bati iraunkorraren ziurtagiria emateko, hain justu: arrain populazioa, arrantzak habitatean duen eragina eta arrantzalekuaren kudeaketa.

Irabazi asmorik ez duen nazioarteko erakundea da **Marine Stewardship Council (MSC)**, itsasoko produktuen merkatua iraunkortasunaren ikuspegitik eraldatzeko sortua. MSC bakarra da, itsasoko arrantzarako ekoetiketa programa bat daramana, zeinak oinarrian duen ISEALEk Gizarte eta Ingurumen Estandarrak finkatzeko prestatu duen [Jardunbide Egokien Kodea](#). Jarraibide horien oinarrian, [FAOk Arrantza Arduratsuaren inguruan eratu duen Jardunbideen Kodea dago](#).

2018ko ekainean ere, EROSKI izan da Espainiako lehen banaketa katea, akuikulturako [GLOBALG.A.P](#) ziurtagiriak zaintza-katearen gainean egiten duen ikuskaritza gainditu duena; horrek bermatzen du gure arrandegian saltzen ditugun espezieak —era horretan hazitakoak— bide seguruak eta iraunkorrak erabiliz ekoitziak izan direla. Geroztik, gure arrandegietako 361 mahaitan saltzen dira urraburua, arrano-berrugeta, erreboiloa eta izokina [GGN](#) zigiluarekin (GLOBALG.A.P. Number).



GLOBAL GAP ziurtagiriaren eskakizunetan, hor dira, besteren artean, ingurumen eraginaren analisia egitea, elikagaien kaltegabetasun kontrola, uraren kalitate kontrola, trazabilitatearen kontrola eta animalia-aren ongizatea. Era berean, pentsu kontsumo egokia ziurtatzen du, eta horri esker hobeto zainduta dago itsas hondoa, eta hobeto aprobetxatzen da arrantzaren baliabidea; ihesbideak kontrolatuta, berriz, espezie inbaditzaileen ugalkortasuna mugatzen da; lan baldintza egokiak bermatzen dira, eta besteren artean kalitatea kudeatzeko sistemak ezartzen dira.

GLOBALG.A.P nazioarteko aitortza arau bat da, lehen sektoreko ekoizpenerako egina. Kontinente guztietako 125 herrialdetan baino gehiagotan dago, eta haren helburua da ekoizpen seguru eta iraunkorra ziurtatzea, zertarako eta mundu osoko ekoizleek, txikizkakoek eta kontsumitzaileek horren onurak hartzeko. 600 produktuk baino gehiagok eta 188.000 ekoizlek dute GLOBALG.A.P ziurtagiria, eta, hala, ziurtatuta dituzte: elikagaien kaltegabetasuna eta trazabilitatea; ingurumenaren zaintza (bioaniztasuna barne); langileen osasuna, segurtasuna eta ongizatea; animalien ongizatea; eta besteren artean kalitatea kontrolatzeko sistemak.

Atun kontserben gama osoa jatorri iraunkorrekola dela bermatzen dugu

Horrez gain, akordio bat egin dugu gure atun kontserben hornitzaile guztiekin, [ISSF](#) Arrantza Iraunkorraren Nazioarteko Fundazioaren printzipioen arabera hornituak izan daitezzen.

Hauek dira gure hornitzaileek hartu dituzten konpromisoetako batzuk, itsasoko baliabideen ustiapen arrazionala bermatze aldera: gehiegi ustiatuak dauden espezieei uko egitea —hala nola atun moja (Thunnus Obesus)—, FAO eremuetako arrainik ez erostea —atuna gehiegi ustiatua baitago toki horietan— eta arrantzatutako %10 arrain sarda librekoa izatea (FADik erabili gabe).

Fokua ipini dugu, era berean, gure hornitzaileek darabiltzaten arrantza moduetan ere. Hala, gure atun kontserba guztia jatorri iraunkorrekola dela bermatu ez ezik, dauden hiru arrantza modurik arduratsuenekin harrapatuak izateko baldintza gehitu diogu konpromisoari: APR, FAD objekturik gabe, MSC eta FIP. Horretarako, gure hornitzaileekin adostu dugu pixkanaka igotzen joan dezaten era horretan arrantzatutako hegaluzearen kopurua.

EROSKIk soilik lan egiten du [kontserbako atuna erosteko bere politika iraunkorra sinatu duten hornitzaileekin](#); politika horren arabera, ez dute onartu behar Thailandia bezalako herrialdeetatik datorren atuna; izan ere, EBk txartel horia ezarri dio, ez baititu betetzen Eskualde Erakundeek onartutako neurriak eta ez baitu neurririk hartu legez kanpoko arrantza geldiarazteko.

Era berean, gure saltokietako atun kontserba guztiaren iraunkortasuna bermatzeko, kanpo ikuskaritza programa bat jarri dugu martxan [AZTI](#)rekin eta [MRAG Americas](#)ekin. Alde horretatik, iraunkortasunaren arloan duela zenbait urte abiatutako hobekuntza-prozesuan sartu ditu EROSKIk atun kontserbak ere.

2016ko irailean, kooperatiba lehen banatzailea bihurtu zen, bere gama osoan kainaberarekin banan-banan arrantzatutako hegaluzea eskaintzen duena. Hortaz, EROSKIren markako hegaluze kontserbak, EROSKI Sannia eta EROSKI Seleqtia, dela ontzian dela potoan, eskusiboki kainabera erabilia arrantzatuak izan dira.



EROSKIk bere atun kontserba guztia jatorri iraunkorrekola dela bermatzen du, eta, gainera, dauden hiru arrantza modurik arduratsuenekin harrapatuak izan behar dutela ezartzen du.

Iraunkorraren ziurtagiria duen arrantza-mota lekua irabazten ari da gure arrandegietan. Kontsumitzaileak bermatua du gure mahaietan ekoetiketa duen arrain freskoa arrantzaleku eta ekoizpen iraunkorretakoa izatea. EROSKIk begiratzen du prozesu guztiak ekoizpenetik hasi eta dendetako operazioetaraino ahalik eta erantzukizunik handienarekin egiten direla. Elikadura iraunkorragoa sustatzea da gure [Osasunaren eta Iraunkortasunaren alde harturiko konpromisoen](#) xedea.